

偃  
師  
縣  
志

一

DS  
793  
H52Y427  
1786  
v.1







偃師縣知縣張新傳

偃師志明嘉靖間魏志以前無可攷

田順治戊戌艾君元復所修曰艾志久佚康熙戊寅邑  
令王君澤長所修曰王志亦佚乾隆乙丑邑令朱君續  
志所修曰朱志二十六年洛水暴漲衝城壞署板片  
失無存迄今四十餘年每大官蒞任例呈送無以應  
輒乙巳歲杪承乏斯土惴惴然懼文獻之將湮也請之  
郡伯都梁劉公謀重修公急爲憇憇丙午仲夏大  
中丞今陞兩楚制府太倉畢公閱兵東都便道至景山  
原謁其先祖唐忠義公墓諭亟當補修邑志表揚孝義



尊烈爲人心風俗勸並斥朱志任意增減舛鄙踈漏之  
夫而邑之薦紳咸踴躍襄事秉筆者實爲毘陵孫淵如  
先生會先生聯捷入翰林自都中以地理山川陵廟稿  
覓寄廼延同年湘潭張君紫峴明府開局署前新廨適王  
志本亦得自民間帙猶完好較朱志頗爲切實而其中  
謬襲謬亦不少輒倬因思貴耳賤目譏曰膚學朱志  
論已王志其汲古淺旣不能有所發明郡志又率以  
私意迴護古人立說必非臆見然非親履其地質証明  
鮮不爲耳食者所牽制而謂古人我欺不亦謬乎因  
張君並騎聯轡遍歷境內山川升高望遠準道里核



金石文字來者麋至幾倍於前於是發史傳以下諸書  
悉心勘訂証栢谷塢輟關杜工部墓在偃師正郡志  
輟縣之誤得張延賞董晉諸碑于巖間清燕欽融靈龜  
山之墓釐許遠墓前之廟証馮王寺之爲北齊平等寺  
於職官選舉則增漢莒誦梁配及唐鄭元軌以下二十  
餘人爲前志所缺補進士內畢懋五人及明薛蕙爲朱  
志所刪辨漢卓茂未爲緄氏令許樹鄆人誤作偃唐竇  
牟爲平陵進士非偃師於流寓則退李膺而進盧植於  
漢廟則補魯宗之王鎮惡皆援據諸書反覆詳辨論無



稽駁至俗志體急宜正者如星野分屬一郡邑志不宜  
有則倣武功安陽志刪之八景無關政要則遵靈壽志  
汰之其尤妄誕無稽之商輪臺劉文公望江臺秦王世  
民飲酒臺則直削之體例謹嚴斬合史傳庶乎詳簡得  
宜焉其金石文字載舊志藝文中者摘出加以考証新  
收者補載立論則譁之邑進士武君虛谷而薦紳中之  
端謹者以所搜訪孝義節烈陸續上諸館幾四百餘人  
焉諸宮牆輿論翕然我

百餘年

風醇俗厚超越前史亦於是乎可徵一邑之



庚申季夏剗剗將竣餽倬旣以例附載襄事諸君子姓  
名題詳紀事之顛末於卷首非敢自謂用心之苦聊冀  
發凡起例觀可補苴歲在屠維作噩涂月書



師 縣 志

序

三



先生出身中書大夫知河南府事卓異候選鄧縣知縣

秋余奉

出典河南郡下車時屬邑例呈志乘覽知邑之山川  
風俗人物獨假師缺如詢之則以康熙間王澤長  
志久經散佚乾隆十一年朱續志所修本又爲洛水衝  
壞版片蕩然迄今四十餘年矣亟思檄令修葺旋以河  
工要務馳驅倥偬者歲餘未遑也迨南皮湯君來蒞是  
邑方與謀舉修復以不得溯攷王志爲憾 大中丞畢  
其先世在唐時爲偃師人忠義公邱隴鬱然守



定數十家丙午閏兵東都取道修謁語余云朱志荒謬  
殊甚如余家歷世祀龔宮者九人朱志率以已意刪之  
國存其一其他疵漏可知方今年豐政暇宜急爲修葺  
遂以其事屬之毘陵孫淵如太史湯君亦自民間搜求  
得王志本雖多殘缺前事畧備廼聘湘潭張度西先生  
曾邑之薦紳開館集事適太史簪筆承明自都門以所  
撰地理山川陵廟諸志見寄致據詳核得未曾有湯君復  
相與援古証今悉心搜訂刪朱志之庸鄙補王志之簡  
脫凡六閱月始成完書焉夫志者一邑之書而非一人

一家之書也考其險隘則思所以守禦稽其盛衰則思



所以撫字察其淳漓則恩所以及激勸而忠孝節義其  
盤政治者大我朝

聖聖相承教化涵濡百餘年風俗日臻上理近如假節  
領縣鎮民任氏九世同居復見唐壽良宋江州盛事而  
楊氏弱女子守禮禦暴至斷頭截指以殉視封邱之投  
蠶祥符之斷臂其烈殆又過焉筆墨間猶凜凜有生氣  
也書曰彰善癉惡樹之風聲論語曰舉善而教不能則  
廢其權在長吏轉移最捷而志乘尤其表率余觀邑輿  
志論云地多山故民儉樸山形頑獷故民多强悍然聞  
吾民有一善行經上表揚遠近傳誦爲榮而婦女名挂



季秉者更跬步不踰閭羣相則倣於此知俗之易與爲  
於湯君是舉勸其採錄孝義節烈事較多於前  
之幽光準是非之公論以禮義爲鼓舞柔其剛健  
之性歸於醇和茲播

一南風化之盛信乎以文治爲政治也豈僅拾殘  
蕪滄雅乎哉邑承彫劫之餘民力雖蘊元氣未復  
用作有功惇大成裕祭彤劉興卓續猶在是况  
叔望於湯君者剏剏成書以弁其首



翰林院編修孫星衍

偃師縣知縣湯毓傳

同纂

疆域道里表

歷代疆域道里

漢地理志河南郡有偃師縣又曰河南緄氏縣水經注  
沿水筑偃師縣故城南與緄氏分水

漢官典職偃師去雒四十五里

元和郡縣志偃師縣西南至府六十里

太平寰宇記偃師縣府東南六十里



和郡縣志緱氏縣西北至府六十三里

永平寰宇記緱氏縣府東南六十里

無朝

通志偃師縣治在河南府東七十里東西廣七十里  
南北袤八十里東至河南省開封三百六十里東北  
至孟津渡河至懷慶府至

至師一千七百四十里

縣地圖東至鞏縣黑石關三十五里抵鞏縣城三十  
里西至洛陽故城三十里抵洛陽縣城四十里南至  
瀛門六十五里抵登封縣城五十里北至周家山三



里抵孟津縣城三十里東北至溝欄村三十里至  
鞏縣城三十里西北至叩馬鄉二十五里抵孟津縣  
城二十里東南至轅轅關五十五里抵登封縣城三  
十五里西南至水泉口六十五里抵洛陽縣七十里







偃師縣志卷首

翰林院編修孫星衍

偃師縣知縣湯毓偉

重定

聖製

乾隆十五年庚午九月

皇上巡狩豫州秩祀崧岳三十日辰刻

輶輝緱山

御製詩一章

登緱山極目

偃師縣志

卷首 聖製



縑嶺龍從嵩嶽連傳聞子晉此昇仙割來太室三分秀  
聖去清伊一帶綿歡豫民情他園苑菁芊麥色我芝田  
孜孜求治猶多愧無暇重繙學道篇

賜王子晉祠匾聯

卽是丹梯

笙音縹緲凌秋月

鶴羽翔迴駐嶺雲

巡幸嵩洛遣官諭祭文

諭祭伊尹文

惟殷阿衡伊尹元聖挺靈先知覺世繩其祖武後力致



聞聲簡在帝心先傳嚴而入夢志罔居於寵利  
可以終身事有迫於天人堯舜期之親見格天佑祖敬  
殷土以芒芒慎始圖終相湯孫而穆穆松楸無恙冕服  
卽存朕以時巡眷懷先正九原不作知同復辟之忠一  
德堪師何止採樵之禁爰遣官而展祀冀昭格於神靈  
謠祭顏真卿文

惟爾唐臣魯郡公顏真卿天姿剛毅識量淵宏敦孝行  
示庭闈矢忠誠於朝宁理冤恤獄能驅旱魃之神簡卒  
緣兵早懼奸雄之膽平原一舉遂連河北以雲從刺史  
頻遷旋入浙西於風偃雖豐功獨建難耆定於崇朝而大



幾常昭足輝煌於千古  
流譽謬時陳定國之謨  
容無忝匪躬之節  
隆祀典用慰精忱  
朕覽古述古  
勤臣秋省追維  
義烈  
以常新式薦馨  
香  
松蘿  
而共達專官將事  
靈爽  
永歆

寵祭許遠文

臣惟陽太守許遠秉志忠貞持躬端恪  
燕端莫  
系務崇惇大之謨謹守官箴克矢靖共之節  
和雲効職  
德發為醴風臨難捐軀丹沈懸於皎日  
率孤城之士  
平南扶社稷之危保半壁於東南  
直作江淮之響  
久著  
五三  
簡冊  
宜申  
祭  
於  
雕  
庭  
朕  
時  
邁  
中  
別  
楚  
之  
賢  
見  
古



類儀型於往代表義烈於來茲用是專官潔修祀事惟  
靈不昧歆此芬苾

乾隆四十九年八月十七日內閣奉

上諭振何裕城奏偃師吳任天篤等自四世祖任光玉  
至四世孫任瑞豐九世同居洵爲至治休徵請

旨旌表等語任天篤家庭聚順雍睦可風宜推旌淑之  
恩並廣型仁之化亟親製詩一章並書匾額以賜其應  
賞綬冠建坊旌表之處該部照例具題招並發欽此  
卽賜九世同居任天篤詩

三牙同居承兩陝亥年九世乃天甲清時自是稱盛事



仙舟集卷之二  
三  
豫士由來敦厚風八寧七張今過一陳牢楊農古齊公  
任鄰孝友適爲姓彰表庶教篤慶崇

御賜匾額

義門敦睦

乾隆四十五年二月二十三日奉

上諭大學士阿桂等奏豫省河神最著者爲靈佑襄濟  
王黃姓河南偃師人從前已受勅封擬爲修葺種樹並  
請於其子孫中賞給奉祀生一人等語著照所請交該  
部議在案其子孫內擇一人作爲奉祀世傳勿替欽此



卷首

第一冊

卷首  
叙圖

卷一  
地里志上

第二冊

卷二  
地里志下

卷三  
山川志

第三冊

卷四  
陵廟記

第四冊



卷五

風土記

卷六

學校志

卷七

祀典志

卷八

賦役志

第五冊

卷九

帝紀攷

卷十

職官表

卷十一

名宦傳

第六冊

卷十二

選舉表



卷十三 名臣傳

卷十四 儒林傳

第七冊

卷十五 忠節傳

卷十六 政績傳

卷十七 文苑傳

卷十八 孝義傳

卷十九 隱逸傳

流寓傳

第八冊



卷二十 列女傳上

第九冊

卷二十一 列女傳下

卷二十二 仙釋傳

方技傳

第十冊

卷二十三 藝文志

第十一冊

卷二十四 藝文志

第十二冊



卷二十五 藝文志

第十三冊

卷二十六 藝文志

第十四冊

卷二十七 金石錄上

第十五冊

卷二十八 金石錄下

第十六冊

卷二十九 祥異志

卷三十 大事記

系云

目錄



逸事記


附錄






繪系









緱山

鎮陽縣川登今即

嵩山

少室山

緱山

緱山

汝水

山

城

縣

汝水

城

城

今孫家灣

水

今

縣

縣

今即



卷之四





里三十八勝村發至南

里市系示

東至鹽縣六十里

三



里十四里縣至北












圖原界






































緋山行宮圖


















卷之三









山雲步

開山亭



郭城坂

市街





聖封界



王家店在五里外

聖封界五里外



縣志

卷之五

五

五



偃師縣志卷一

翰林院編修孫星衍

同纂

偃師縣知縣湯鏡倬

地理志

縣屬

偃師縣周置

徐廣注史記周比亡之時九七縣河南洛陽穀城平

陰偃師鞏緄氏

古薄邑帝嚳所都字亦作亳

書序湯始居亳從先王居作帝告鄭康成注亳今河



南偃師孔安國注契父嚳都亳

竹書紀年帝嚳高辛氏元年帝卽位居亳

史紀湯始居亳從先王居作帝詰司馬貞索隱詰一作倍上云從先王居故作帝倍張守節正義按亳偃師城也

水經注闕駟曰亳本帝嚳之墟在禹貢豫州河洛之間今河南偃師城西二十里尸鄉亭是也

皇甫謐帝王世紀帝嚳高辛氏三十而登帝位都亳  
諸地志亳邑故城在洛州偃師縣西七十里本帝嚳

二亳商湯之都也

元本書已佚散見他書者例當引之書諸地志近有集



不復及

通典偃師帝嚳所都亦古亳邑也又云漢爲縣

貞明二年葛從周碑歸葬於偃師縣亳邑鄉

曹志高辛故都在治西五里今高莊其遺址也

皇祈按亳邑鄉出葛太尉碑是其葬處今太尉墓在  
縣西槐廟村是卽亳邑鄉古之所謂亳也童鉉河南  
府志云縣西十里有辛寨鎮或以高辛故都得名又  
在槐廟村之西南矣今偃師縣治是隋唐故城而  
顯以帝嚳墟爲在城西二十里括地志又云七十  
里疑七十爲是十七之誤蓋自辛寨鎮已西十餘里皆



古亳邑也則張守節云卽偃師城非也

湯始遷居曰殷薄外丙中壬太甲沃丁太庚小甲雍己  
太戊皆都之仲丁遷於囂

墨子非攻下篇湯奉桀衆以克有

旋脫夏字

屬諸侯於亳

薦章天命通於四方而天下諸侯莫敢不賓服又云  
還至乎商王紂十日雨土於亳

竹書紀年帝癸十五年商侯履遷於亳

成湯元年

史記湯始居亳從先王居太子太丁未立而卒於是  
廼立太丁之弟外丙帝外丙卽位二年崩立外丙

弟中壬是爲帝仲壬帝仲壬卽位四年崩伊尹廼立



太丁之子太甲是爲帝太甲稱太宗太宗崩子沃丁立是爲帝沃丁沃丁崩弟太庚立是爲帝太庚帝太庚崩子帝小甲立帝小甲崩弟雍己立是爲帝雍己帝雍己崩弟太戊立是爲帝太戊帝太戊立亳有祥桑穀共生於朝一莫大拱又云殷復興諸侯歸之故稱中宗中宗崩子帝仲丁立帝仲丁遷於囂

班固地理志偃師尸鄉殷湯所都

鄭康成尚書注亳今河南偃師縣有湯亭

孔安國尚書注湯自商邱遷焉

括地志河南偃師爲西亳帝嚳及湯所都



孔穎達詩正義中侯格予命云天乙在亳東觀在洛  
若亳在梁國則居於洛東不得東觀於洛也

史記正義按亳偃師城也商邱卽宋州也湯卽位都  
南亳後徙西亳也

星衍按亳有三一湯盟地曰北亳今考城一湯始都  
曰南亳今商邱一湯遷都曰西亳今偃師出班固鄭  
康成說最古而皇甫謐好爲異論云如孟子之言湯  
居亳與葛爲鄰是卽亳與葛比也湯地七十里葛又  
伯耳封域有限而寧陵去偃師八百里不得童子饁  
餽而爲之耕今梁國自有一亳南亳在穀熟北亳在



釋非偃師也古文仲虺之誥曰葛伯仇餉征自葛

即孟子之言也

出水經注

謚之此辨是不知湯自南亳遷

於西亳兩亳皆都耳孟子之所云與葛爲鄰者實是南亳卽謚在穀熟之言推諸書傳管子地數篇云湯有七十里之薄荀子議兵篇云湯以薄呂氏春秋云湯嘗約於鄴薄皆謂此始居之南亳與孟子同書殷祝解文湯放桀而復薄亦言未遷之地惟墨子云屬諸侯於薄薦章天命通於四方者乃是西亳卽竹書紀年云帝癸十五年商侯履遷于亳者矣蓋湯旣放桀復于南亳乃遷于西亳以諸書証之甚明僞孔云



自商邱遷焉商邱卽南亳也括地志云宋州穀熟縣西南三十五里南亳故城卽南亳湯都也宋州北五十里大蒙城爲景亳湯所盟地因景山爲名河南偃師爲西亳帝嚳及湯所都盤庚亦從都之是言湯都二亳亦甚明孔穎達又据書緯天乙在亳東觀在洛之言以爲亳在梁國則居于洛東不得東觀洛又足破謚之偏見矣亳當從周書作薄諸子亦多同之惟孟子作亳乃後人傳寫所改亳乃京兆杜陵亭名故字从高省見許君說文解字及徐廣史記注其地在今陝西咸寧縣南自有亳王號湯爲秦寧公所滅葬



扶風微所不得以爲成湯也

盤庚復徙都之

尙書盤庚遷于殷

書序盤庚五遷將治亳殷民咨胥怨作盤庚三篇鄭  
康成注治于亳之殷地商家自徙此而改號曰殷今  
偃師是也

史記帝盤庚之時殷已都河北盤庚渡河南復居亳  
湯之故居廼五遷無定處又云遂涉河南治亳

太平御覽帝王世紀帝盤庚徙都殷始改商曰殷又  
曰亳殷今偃師是也然則殷有三亳二亳在梁一亳



在河南穀熟爲南亳湯都是也蒙爲北亳卽景亳湯  
所盟地偃師爲西亳卽盤庚所徙者

水經注湯渠水又東逕亳殷南昔盤庚所遷改號曰  
偃自此始也

括地志河南偃師爲西亳盤庚亦從都之

元和郡縣志偃師縣至盤庚又自河北徙都于亳商  
家從此改號曰殷

星衍按爾雅殷中也詩曰宅殷土芒芒古帝命武湯  
正域彼四方是言土中鄭康成說商家自徙此而改

號曰殷蓋謂成湯已改號于亳爲始自盤庚



非也呂氏春秋云湯嘗約于鄆薄鄆卽殷之亳也  
湯已號殷明甚又按皇甫謐之誤以偃師爲盤庚始  
遷與史記所云復居成湯之故居乃大相背唐以前  
儒者之言皆質明可信其好爲異說者謐一人而已  
又按竹書紀年云盤庚十四年自奄遷于北蒙曰殷  
是在今商邱紀年駁書亦不足信

局爲尸氏

左傳昭二十六年劉人敗子朝之師于尸氏  
司馬彪郡國志偃師有尸鄉春秋時曰尸氏

水經注晉太康地道記並言田橫死于是亭故改曰



尸鄉非也余按郡國志以爲春秋之尸氏也

亦曰師氏

考古圖周寅簋銘有進後雋邦人正之師氏人有皐  
有故西馭服卽汝囙繇宥卑復虐逐乃君乃師乃作  
予一人服王曰寅敬明乃心用辟我一人善故乃友  
內辟勿事讎虐從獄受維且行道乃非正命乃故疾  
譏人則惟輔天降喪不亡惟死錫汝秬鬯一卣乃芹  
芾赤湯鴈軒朱輦華號卮褰虎冕練裏畫輔畫輦爵  
金甬馬四匹鑒勤敬夙夕勿廢朕命寅拜稽首揚天  
子不顯魯休用作寶簋叔邦父叔故萬年子子孫孫



永寶用

亦曰尸

左傳昭二十六年冬十月丙申王起師于滑辛丑在  
郊遂次于尸又云召伯逆王于尸及劉子單子盟杜  
預春秋釋地尸氏尸二名河南鞏縣西南偃師城  
必曰偃師亦曰侯氏以山爲名

左傳昭二十四年十二月晉籍談荀躒賈辛司馬督  
帥師次于陰于侯氏杜預春秋釋地闕

十三州志河南緱氏縣以山爲名

徐廣注史記周比亡之時凡七縣有偃師緱氏



星衍按侯緱音相近當卽緱氏

或曰武王伐紂回息偃師遂名其地曰偃師其說少依  
摭比周亡有其縣

通典偃師武王伐紂回師息戎遂名偃師焉

元和郡縣志武王伐紂于此築城息偃戎師因以名  
焉

有劉國及鄔聚

左傳隱十一年王取鄔劉爲刊之田于鄭杜預注二  
邑在河南緱氏縣西南有鄔聚西北有劉亭

地理志緱氏劉聚周大夫劉子邑



郡國志緱氏有鄔聚

水經注劉水出半石東山西北流逕劉聚三面臨瀕  
在緱氏縣西南周畿內劉子國

通志劉子邑在縣南緱氏保又云有望江臺在伊水  
上劉康公築

童鈺曰劉聚今緱氏鎮在緱氏故城西

有滑國曰費滑

左傳僖十三年呂相絕秦伯曰殄滅我費滑杜預注  
滑國都於費今緱氏縣

水經注休水又逕延壽城南緱氏縣治故滑費春秋



滑國所都也

括地志緄氏故城本費縣城也在洛州緄氏縣東南二十五里也

元和郡縣志緄氏縣古滑國也左傳曰秦師滅滑其後屬晉至秦漢爲縣

太平寰宇記緄氏縣春秋云滑國同盟于幽秦人入滑皆此也秦滅之後屬晉漢以爲縣

縣圖經有滑城河在縣東南三十四里滑城當在此

滑邑

左傳昭二十二年劉子奔揚杜注周邑顧棟高春秋



天事表云路史謂卽今山西之揚侯國宣王子尙父  
所封今山西平陽洪洞縣東有揚地按傳云壬戌劉  
子奔揚癸亥如劉劉今爲偃師劉亭浹日卽至其地  
當不出百里外山西洪洞去偃師絕遠且其地屬晉  
當爲僖十一年揚距泉臯伊維之揚而非山西之揚  
也

輒倬按左傳王子帶召揚距泉臯伊維之戎同伐京  
師杜注皆戎邑及戎雜居伊維間者尤爲偃師之揚  
確証

有東園一曰園澤

登而系志

卷一

地理志上

九



左傳昭二十二年八月辛未伐東園杜預注河南洛陽縣東南有園鄉二十六年召伯逆王于尸及劉子單子盟遂軍圍澤次于隄上

童鉦曰晉時所謂洛東地盡入偃師

星衍按童鉦言是也園澤疑亦園鄉矣今縣西有魚郭邨魚圍其音之誤與邨在伊水之北

有洧

疑周字之誤

竹書紀年襄王三十年洛絕于洧

水經注洛水又北陽渠水注之竹書紀年晉襄公六

年洛絕于洧卽此處也洛水又北逕偃師城東



有胥靡或曰尹及施谷崔谷皆在焉而杜預不書之

左傳襄十八年蔣子馮公子格率銳師侵費滑胥靡獻于雍梁杜預注胥靡獻于雍梁皆鄭邑

又昭二十三年六月壬申王子朝入于尹又云劉子從尹道伐尹杜預春秋釋地尹道尹闕

又昭二十六年五月戊辰王城人劉人戰于施谷杜預春秋釋地闕

又七月丁巳王次于崔谷杜預春秋釋城闕

顧祖禹方輿紀要胥靡在偃師縣東南三十里

童鉦曰胥靡近滑城今滑城在鞏偃界上滑城東南



地盡入鞏則胥靡當在鞏今鞏地近滑者有曰蕭相  
者胥靡之轉音也

羅泌路史尹周地尹氏采杜謂鞏西南偃師今汾州  
有尹吉甫墓記卽其地

顧棟高春秋大事表大谷在今洛陽縣東周之萑谷  
施谷蓋皆大谷之支徑

星衍按胥靡施谷萑谷之屬出近人說在偃師特無  
証據若童銍之以蕭相爲胥靡轉音猶爲得之至羅  
泌所說之尹氏乃誤引杜預尸氏下注文其疏甚矣  
羅泌又云有止國少昊後偃姓國曰止今首陽北故



一曰止陽有紀國云今緄氏故紀縣周之餘族可見者  
其言皆無証据河南府志取入偃師爲有周止國紀  
國今特削之

三曰有首戴

公羊穀梁春秋經僖五年秋八月諸侯盟于首戴  
水經注河水又南逕平縣南首陽山故城北春秋所  
謂首戴矣

星衍按左傳作首止杜預注首止衛地陳留襄邑縣  
東南有首鄉則不在此

首畿內地或屬鄭或屬晉



太平寰宇記偃師縣周爲畿內之邑

景曰緱氏屬三川

史記白起王翦列傳昭王四十六年秦攻緱氏蘭

太平寰宇記偃師縣秦屬三川

寰宇記偃師屬河郡莽曰師氏

今本誤作成据水經注改正

地里志河南郡有偃師縣莽曰師氏

元和郡縣志偃師縣本漢舊縣

又緱氏縣地莽曰中亭

地里志河南郡緱氏縣莽曰中亭

太平寰宇記輿地志云因山以名



平縣地莽曰治平

地里志河南郡有平縣莽曰治平

水經河南水又東過平縣北湛水從北來注之

括地志平縣故城在洛州偃師縣西北二十五里

太平寰宇記偃師縣故平縣漢平縣故城也在今縣

西北二十五里

後漢省平縣字作偃師

郡國志河南郡偃師有緱氏有平

魏因之

太平寰宇記偃師縣晉併入洛陽緱氏縣至宋猶屬



河南

皇衍按袁宏墓在偃師縣東而皇覽云在洛陽東北山上此書魏時所著則魏省偃師也

晉省偃師入洛陽又省平縣

晉書地理志河南郡有緱氏無偃師無平

太平寰宇記偃師縣晉併入洛陽

輒倬按宋書宋孝武帝僞立河南太守治襄陽大明中分沔北爲境有陽城緱氏二縣又孝武帝太延十

一年立北河南郡尋省明帝泰始末復立治宛

縣入有緱氏新安洛陽等縣齊梁因之當時南北



裂各僑立州郡有虛名無實土緱氏久入北魏宋齊所立非緱氏舊地也

後魏爲緱氏縣太和十七年併入洛陽屬洛陽郡天平初復置

地形志洛陽郡有緱氏二漢晉屬河南太和十七年併洛陽天平初復屬

隋書地理志緱氏舊廢東魏置

周因之

太平寰宇記緱氏縣後周建德六年又自洛陽城移於今縣北七里鉤銷故壘置



隋開皇十六年復置偃師屬河南郡廢緱氏大業初復  
隋書地理志河南郡有偃師云舊廢開皇十六年置  
緱氏云開皇十六年廢大業初復置

唐偃師爲緱縣緱氏爲次赤縣貞觀十八年廢緱氏止  
元二年復

唐書地理志河南府有偃師緱縣緱氏次赤貞觀十八  
年省上元年復置

太平寰宇記緱氏縣唐貞觀十八年省上元二年

置

武德初同武寧三年省偃師爲鎮入緱氏八年復



緱氏爲鎮入

平寰宇記河南府有偃師縣又有緱氏縣

元豐九域志河南郡有畿偃師熙寧三年省偃師置爲鎮入緱氏八年復置偃師縣省緱氏縣爲鎮

金同

金史地里志河南府有偃師鎮一緱氏

元同爲下縣

元史地里志河南府有偃師下

明同

明一統志河南府有偃師縣晉併入洛陽隋復置唐



宋元仍舊本朝因之編戶三十六里

星衍按宋熙寧三年曾省偃師八年乃復而明一統志不及其疏如此

國朝爲衝縣屬河南府

城屬

劉累故城在縣西南六十五里

括地志劉累故城在洛州緱氏縣西南五十五里乃劉累封之故地也

星衍按此知豢龍故蹟亦在偃師周時劉國乃卽累之後人也魏王泰撰括地志多本晉宋人地里書必



有所謂今緱氏鎮西南有夏后廟前有夏后廟  
卽劉累之遺矣

太甲城在縣西南十五里

晉太康地記尸鄉南有亳阪東有城太甲所放處  
亳城在槐廟邨

春秋襄十有一年公會晉侯宋公衛侯曹伯齊世子  
光莒子邾子滕子薛伯杞伯小邾子伐鄭秋七月乙  
未同盟于亳城北杜預注亳城鄭地

鄆城在孫灣

水經注鄆水又東南於訾城西北東入洛水故京相



璫曰今鞏洛渡北有鄠谷水東入洛謂之下鄠亦謂  
之北鄠又有鄠城蓋周大夫鄠肸之采邑

童鈺曰上鄠今羅莊以鄠肸子羅得名也下鄠今孫  
灣卽鄠灣南北夾岸實一地今上鄠隸鞏下鄠隸  
師

星衍按孫灣音相近也

費滑故城在縣府店北二里

括地志緱氏故城本費城也在洛州緱氏縣東南  
十五里也

太平寰宇記緱氏縣古滑城在縣東三十八里城在



有角

通志 縣城在縣府治北三里春秋時滑伯國城址猶存

漢偃師故城卽今城

水經注洛水逕計素渚又直偃師故縣南又云穀水又東逕偃師城南又東流注于洛水矣又云漢宮璽職曰偃師去洛四十五里

太平寰宇記偃師縣漢屬河南郡卽今縣理是也

童鈺曰按偃師漢所置晉省入鞏洛故漢桑欽曰偃師縣魏酈道元則曰偃師故縣也隋開皇十六年復



世宗縣志 卷一  
置則爲今偃師縣治其故縣在縣西十里  
星衍按今治卽宋縣而太平寰宇記云漢縣卽今縣  
理是童鈺言非是也或後魏移偃師縣是今西十里  
之陞耳

漢緱氏故城在縣南二十里

史記武帝紀公孫卿侯神河南見僊人跡緱氏城上  
有物若雉往來城上天子親幸緱氏城視跡問卿得  
毋效文成五利乎

地形志緱氏有緱氏城

水經注休水又逕緱氏城南緱氏縣治故滑曹春秋



滑國所二也

太平寰宇記緱氏縣府東南六十里按前此緱氏縣  
在今縣東南二十五里緱氏故城又云古緱氏城在  
縣西北六里

通志緱氏廢縣在縣南二十五里古滑國

星衍按今古滑城卽寰宇記所謂前此緱氏縣也緱  
氏保卽宋縣在府東六十里者也古縣鎮卽寰宇記  
所謂古緱氏也漢縣當在古滑城

毓倬按今偃師有顧縣鎮在洛水南距縣十五里顧  
卽古字訛音疑卽周緱氏故城也



漢平縣故城在縣西北二十五里

水經注河水又東逕平縣故城北俗謂之小平也  
括地志平縣故城在洛州偃師縣西北二十五里

緱緄氏故城在縣東南今入登封

括地志洛州緄縣本夏之緄國也在緄氏縣東南  
十里地里志緄氏屬潁川郡

通志緄城在縣東南

星衍按唐宋潁陽縣是古緄國金爲鎮入登封  
緄氏城當在登封方志特因括地志云在緄氏東

之說誤附於此耳



延壽城在縣南二十五里

地里志緱氏有延壽城

劉昭注郡國志千寶搜神記緱氏縣有延壽城

水經注休水重源又發側緱氏原又逕延壽城南緱氏縣治休水又北屈逕其城西

盧氏嵩山記子晉學道于洛鹿澗澗旁有靈星塢一名延壽城此塢有道士浮邱公接其登仙之所又漢書李膺罷歸緱氏教授生徒給事論鄭注于此

方輿紀要延壽關在縣南三十五里晉永康二年齊王冏舉兵許昌討趙王倫倫遣兵出延壽關以拒之



或謂之延壽城

舊志在治南二十五里城有仙人祠又謂之仙人觀  
童鈺曰卽緱氏城在今古滑城南臨休水非今緱氏  
鎮也

漢曹城

元和郡縣志緱氏縣曹城在縣東一里曹操與袁紹  
相拒築城于此

太平寰宇記作十里

曹志曹公城在袁術固東袁術固在治西南

里



後魏偃師故城

星衍按水經注云洛水直偃師故縣南則必當年更有新移之縣太平寰宇記云漢縣卽今理則知後魏縣治非漢宋及今縣城矣或卽在縣西十里與

周緱氏故城在緱氏保北七里

太平寰宇記緱氏縣東魏天平元年復以洛陽城中置緱氏縣後周建德六年又自洛陽移於今縣北七里鉤鎖故壘置

星衍按此疑卽今古縣鎮也

隋開皇緱氏故城在緱氏保北十里



太平寰宇記緱氏縣隋開皇四年又移於今縣北十里洛陽故郡城

隋大業元年緱氏故城在緱氏保東南十里

太平寰宇記緱氏縣大業元年復移於今縣東南十里置

隋大業十年及唐緱氏故城在公路澗西

元和郡縣志緱氏縣西北至府六十三里隋大業十年移據公路澗西馮岸爲城卽今縣是也

太平寰宇記緱氏縣大業十年又移據公路澗西馮

岸爲城唐貞觀十八年省上元二年又置今縣



孝敬陵西置

滑唐宋偃師故城在縣西十里

元和郡縣志偃師縣西南至府六十里

元豐九域志偃師京東六十里

胡三省注通鑑偃師縣在都城東六十里

宋初偃師故城卽今城

太平寰宇記偃師縣府東南七十里

星衍按今偃師城正在府東南七十里則卽宋初城也熙寧三年省爲鎮八年復置則在今縣西十里矣

唐緱氏故城



元和郡縣志緱氏縣西北至府六十三里

宋緱氏故城卽今古縣鎮

太平寰宇記緱氏縣府東南六十里

古灰城在緱氏保西北八里

太平寰宇記緱氏縣古灰城在縣西北八里

星衍按今緱氏保西南有灰觜卽灰城也

葬劍城在緱山東北一里

舊志王子晉葬劍處戰國時有人伐之見劍插空中  
欲進取之劍作雷鳴虎嘯竟飛上天見王子年拾遺

記



今偃師城漢故治宋初亦治於此在府城東七十里  
周六里八十四步高三丈一厚一丈三尺池濶一丈五尺  
深八尺門四東曰懷嵩西曰瞻洛南曰迎僊北曰望京  
門樓各三間四隅各置敵樓六所護城堤防周九里十  
三步西北曰白虎堰東南曰王公堤

通志偃師城明洪武二十一年知縣汪可行增築高  
一丈五尺厚丈餘成化十九年知縣李厚重修正德  
六年流賊寇河南知縣朱璟重修俱增高於舊嘉靖  
三十二年大水沒城半知縣王表重修崇禎間知縣  
夏士譽加砌磚石以禦流賊十五年賊攻城破知縣



徐日泰死之賊屠城去

國朝順治二年知縣王埏九年知縣魏惟紫重修十五  
年知縣艾元復以鉞葉累木門康熙二十八年知縣  
王澤長重修城樓護城堤元元統間築以捍邨山二  
龍溝水明永樂間主簿劉守義正德間縣丞楊得春  
嘉靖間知縣林萬里縣丞韋挺秀重修王公堤明隆  
慶間知縣王環築以禦伊洛泛漲因名環圍縣城

康熙五十年知縣蔣如昇重修乾隆七年知縣朱  
蔭高高三尺厚二尺底濶三丈頂濶七尺高一丈

方尺重柳二千二百三十四株二十六年伊洛水漲



入城雉堞傾圯二十七年知縣

陳



人  
之  
所  
共  
知  
也  
其  
所  
以  
為  
世  
道  
之  
歸  
也  
其  
所  
以  
為  
世  
道  
之  
歸  
也



